



Broj: 01-2-09-34-I-556/26

Datum: 08.05.2026. godine

Na osnovu člana 64. stav (1) tačka b), člana 70. st.1., 3. i 6. Zakona o javnim nabavkama („Sl.glasnik BiH“, broj 39/14, 59/22 i 50/24), na Preporuku Komisije za javnu nabavku broj: 09-34-I-550/26 od 07.05.2026. godine, u postupku javne nabavke „Konkurentski zahtjev za dostavu ponuda za izradu idejnog i glavnog projekta dogradnje postojećeg objekta škole“, direktor JU “Četvrta osnovna škola” Ilidža-Hrasnica donosi:

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za javne nabavke i ugovor za javnu nabavku „Konkurentski zahtjev za dostavu ponuda za uslugu izrade idejnog i glavnog projekta dogradnje postojećeg objekta škole, dodjeljuje se ponuđaču STUDIO DVA d.o.o. Sarajevo, za ponuđenu cijenu 7.900,00 KM bez PDV-a, kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču STUDIO DVA d.o.o. Sarajevo, po proteku žalbenog roka, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje uprava škole.

Član 4.

Ova odluka objavit će se na web-stranici škole i istovremeno s upućivanjem ponuđačima koji su učestvovali u postupku javne nabavke, shodno članu 70. Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-1-09-34-I-402/26 od 25.03.2026. godine. Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke bez PDV-a je 13.675,21 KM.

Obavijest o nabavci broj: 4241-7-2-81-3-4/26 objavljena je na Portalu javnih nabavki.

Komisija za javnu nabavku imenovana je Odlukom broj: 01-1-09-34-I-403/26 od 25.03.2026. godine

Komisija za javnu nabavku dostavila je dana 30.04.2026. godine Zapisnik sa otvaranja ponuda svim ponuđačima koji su učestvovali u postupku.



Komisija za javnu nabavku je dana, 07.05.2026. godine dostavila direktoru škole sljedeću dokumentaciju: Zapisnik o zaprimljenim ponudama, Zapisnik sa otvaranja ponuda, Zapisnik o pregledu i ocjeni ponuda i Preporuku o izboru najpovoljnijeg ponuđača.

U postupku je utvrđeno da je Komisija za javnu nabavku blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 8 (osam);
- da je blagovremeno zaprimljeno 8 (osam) ponuda;
- da nije bilo neblagovremeno zaprimljenih ponuda;

- da je ponuda ponuđača Geoametist d.o.o. Sarajevo odbijena iz razloga što je komisija za javne nabavke prilikom pregleda ponude navedenog ponuđača uočila određene nepravilnosti u ponudi, a koje su eliminatorne za ocjenu ponude kao prihvatljiva.

Naime, u tenderskoj dokumentaciji broj: 01-2-09-34-I-468/26, tačka 4) Tehnička i profesionalna sposobnost - član 48-51. Zakona o javnim nabavkama, navodi se sljedeće: “Ponuđač je dužan dokazati da je u posljednje 3 (tri) godine ili od datuma registracije odnosno početka poslovanja, ako je kandidat/ponuđač registrovan, odnosno počeo sa radom prije manje od tri godine, uspješno izvršio iste ili slične ugovore koji su u vezi sa predmetnom nabavkom i to najmanje zbirno 10.000,00 KM bez PDV-a.

Kao dokaz ponuđač je bio dužan dostaviti spisak izvršenih ugovora, a koji su vezi sa predmetnom nabavkom, za period od tri godine ili od datuma registracije, odnosno početka poslovanja ako je ponuđač registrovan, odnosno počeo da radi prije manje od tri godine, i to najmanje zbirno 10.000,00 KM bez PDV-a.

Uz spisak izvršenih ugovora ponuđač je dužan priložiti potvrde drugih ugovornih strana o uspješno realizovanim ugovorima, koji su u vezi sa predmetnom nabavkom, u vrijednosti zbirno 10.000,00 KM bez PDV-a.

U svojoj ponudi ponuđač „Geoametist d.o.o“ Sarajevo je dostavio spisak izvršenih ugovora u skladu sa tenderskom dokumentacijom, međutim u ponudi nisu dostavljene potvrde drugih ugovornih strana o uspješno realizovanim ugovorima.

Daljim pregledom ponude komisija za javnu nabavku je uočila propust koji se odnosi na tačku 10) tenderske dokumentacije “**Nacrt ugovora**”.

Nacrt ugovora je sastavni dio ove tenderske dokumentacije u obliku *Priloga VIII*, koji je potrebno **potpisan i ovjeren pečatom ponuđača dostaviti u ponudi**.

Ponuđač nije postupio u skladu sa traženim uvjetom iz tenderske dokumentacije, te je u ponudi dostavljen ugovor koji **nije** potpisan i ovjeren pečatom ponuđača.

U skladu sa navedenim, komisija za javnu nabavku ponudu ponuđača „Geoametist d.o.o“ Sarajevo ocjenjuje kao „nepravilna“, odnosno ponudu koja nije sačinjena na osnovu uvjeta traženih tenderskom dokumentacijom, a u skladu sa Članom 2. Zakona o javnim nabavkama BiH ("Sl. glasnik BiH", br. 39/2014, 59/2022 i 50/2024).

- da je ponuda ponuđača STUDIO DVA d.o.o. Sarajevo prihvatljiva i da je ponudio najnižu cijenu.



U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, direktor nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za javne nabavke broj: 01-2-09-34-I-550/26 od 07.05.2026. godine. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim i internim aktima i tenderskom dokumentacijom. U skladu sa članom 4. stav (3) Pravilnika o uslovima i načinu korištenja e-aukcije („Sl. list BiH“, broj: 80/23) i tenderskom dokumentacijom nije predviđena e-aukcija, jer se radi o javnoj nabavci usluga koja za predmet ima intelektualni rad, a koji se ne može rangirati pomoću automatskih metoda ocjena.

Uvidom u priloženu dokumentaciju, nesporno je da je izabrani ponuđač najbolje ocijenjen zbog **najniže cijene, kako slijedi:**

R. br.	PONUĐAČ	Cijena KM (bez PDV-a)	Ukupna cijena (sa PDV-om)
1.	STUDIO DVA d.o.o. Sarajevo	7.900,00 KM	9.243,00 KM
2.	IPSA INSTITUT d.o.o. Sarajevo	12.840,00 KM	15.022,80 KM
3.	JAVNO PREDUZEĆE ZA PROSTORNO PLANIRANJE I UREĐENJE GRADA "ZENICA" D.O.O. ZENICA	10.000,00 KM	11.700,00 KM
4.	AD "PROJEKT" BANJA LUKA	11.000,00 KM	12.870,00 KM
5.	ARKUS d.o.o. Sarajevo	9.950,00 KM	11.641,50 KM
6.	INSTITUT ZA GRAĐEVINARSTVO "IG" d.o.o. Banja Luka	8.000,00 KM	9.360,00 KM
7.	"HKP CONSULTING" d.o.o.	9.800,00 KM	11.466,00 KM
8.	GEOAMETIST d.o.o. Sarajevo	10.800,00 KM	12.636,00 KM



Ugovorni organ je nakon pregleda sve dokumentacije odlučio da prihvati preporuku Komisije za javne nabavke i ugovor o nabavci za uslugu izrade idejnog i glavnog projekta dogradnje postojećeg objekta škole, dodijeli ponuđaču STUDIO DVA d.o.o. Sarajevo. za ponudenu cijenu 7.900,00 KM bez uključenog PDV-a, obzirom da je u predmetnom postupku ponudio najnižu cijenu tehnički zadovoljavajuće ponude.

Iz navedenih razloga, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ove odluke može se izjaviti žalba najkasnije u roku od 5 (pet) dana od dana prijema ove odluke.



DIREKTOR ŠKOLE

Munir Prazina

Munir Prazina, prof.

Dostaviti:

1. Ponuđačima:

- I. STUDIO DVA d.o.o. Sarajevo
- II. IPSA INSTITUT d.o.o. Sarajevo
- III. JP ZA PROSTORNO PLANIRANJE I UREĐENJE GRADA „ZENICA“ d.o.o. Zenica
- IV. AD „PROJEKT“ BANJA LUKA
- V. ARKUS d.o.o. Sarajevo
- VI. INSTITUT ZA GRAĐEVINARSTVO „IG“ d.o.o. Banja Luka
- VII. „HKP CONSULTING“ d.o.o.
- VIII. GEOAMETIST d.o.o. Sarajevo

2. web stranica škole

3. a/a